

壽光縣志卷之二

輿地志

志輿地者惟沿革一門地名變易疆界錯置代遠年湮稽考爲難
或一境之內而劃爲數縣或治所所在而地連他邑紛紜糾葛易
誤主名其次則河流尋源索委易時改道水經輿志舛訛互見莫
衷一是邑舊志於斯二者雖考據綦詳而証以葉氏續山東考古
錄及山東通志青州府志未盡精核茲焉整理自當詳爲櫛比冀
可補其闕失折衷羣言罔敢臆度至於星野詳於劉志茲略存其
說其他疆域道里區莊市集則就現在規制情勢纂錄云

星野

周禮保章氏以星土辨九州之地所封封域皆有分星以觀妖祥蓋星體生於地精現於天錯峙列居各有攸屬今以齊分言之繫以北斗則星爲魁天官書所謂平旦建者魁海岱以東北是也繫以五行則星爲木天官書所謂歲星主齊吳是也繫以二十八宿則星爲虛危春秋運斗樞所謂虛危之精流爲青州是也隋書天文志虛十一度二星如連環危十七度三星曲而不直虛危二星並居玄枵之次玄枵一名天黿宮曰寶鉞時曰子律曰大呂魏太史令陳卓云自須女八度至危十五度爲玄枵齊之分野屬青州

費直周易則曰齊起女六度蔡邕月令章句則曰齊起女七度然
虛危固爲青州分野而青州之南北亦有辨明誠意伯劉基著分
野論張莊愚復師其意晰分周天一覽謂虛九度至五度青州北
昌樂壽光益都樂安臨淄博興高苑是也危一度至三度青州南
沂水蒙陰臨朐日照莒州安邱諸城是也據此則壽光居青州艮
位以分野推之當在虛八度之末九度之初

沿革

夏斟灌國 應劭注漢志云壽光古斟灌禹後今灌亭是續山東
考古錄云斟灌國故城在東北四十里一稱灌亭一稱東壽光

城今斟灌店

其歷史詳大事記中

周紀國後入齊爲劇邑 春秋隱公元年紀人伐夷杜注紀國在

今東莞劇縣水經注劇縣古紀國也春秋莊公四年紀侯大去

其國遂併於齊後改曰劇魯連子曰胸劇之人辯者也

紀侯大去其國

始末詳大事記中

秦屬齊郡

三十六郡之一

始皇二十六年置

漢青州北海郡壽光縣益縣平望縣樂望縣劇縣又齊郡鉅定縣

地

壽光縣 漢景帝二年於青州置北海郡置壽光縣屬焉故城

在今治東北二十里俗曰牟城有鹽官莽曰翼平亭

牟似平所
由訛也又

訛羊
城

益縣 故城在今治南七里莽曰探陽齊乘謂益都本漢侯國

武帝封菑川懿王子胡爲侯國故城在壽光南實混益縣城益

都侯城爲一矣劉志以爲益縣侯國係沿其誤續山東考古錄

曾辨之益都侯國城乃今王胡城

詳古蹟
城臺門

平望縣 故城在今治東北五十里水經注巨洋自壽光西又

東北逕望海臺西

後漢書章懷太子注
平望城又稱平望臺

伏琛宴謨并以爲平望

亭在平壽縣故城西八十里

平壽今
維縣地

武帝元朔元年封菑川懿

王子劉賞爲平望侯是爲侯國屬縣莽曰所聚

樂望縣 故城在今治東四十里今王望店齊乘樂望城壽光東二十里今日王望店按王望在東四十里其在東二十里者乃樂城里數恐有誤漢宣帝地節四年封膠東戴王子劉先爲樂望侯是爲侯國屬縣

劇縣 漢文帝十六年

地志作十八年誤

析齊置菑川國治劇縣

菑川國領

三縣漢書高武王傳宣帝五鳳中削菑川四縣蓋初領七縣

莽曰愈縣續山東考古錄云菑

川國劇縣故城在南

治今

二十五里水經注劇縣城之北側有故

臺臺西有方池晏謨曰西去齊城九十七里按此卽紀國城今

故址猶有臺通典壽光下有紀國城在縣南又漢劇縣城在縣南寰宇記紀城古紀侯之國今廢城在城南又云劇南城故紀國漢曾爲劇縣今城亦在縣南按漢有兩劇縣一屬北海今在昌樂而西北去紀城四五里一卽紀城菑川國治之名同地近後人稱隸北海者爲劇南城以示別酈道元已混爲一通典以一爲紀國以一爲漢縣寰宇記本之而誤謂兩城皆紀國蓋世不知漢有兩劇縣也久矣按宋書魏書皆言劇縣二新山東通志謂一統志以在壽光爲菑川國治在昌樂爲北海郡侯國良是

鉅定縣地 鉅定屬齊郡其縣治卽今廣饒

原名樂安

時鉅定湖在

壽光者十之七八當屬鉅定縣東境

後漢青州樂安國壽光縣益縣北海國劇縣地又平壽縣地

壽光縣 故屬北海國有灌亭改屬樂安國

益縣 故屬北海國改入樂安國

按全校水經注巨洋永由益縣故城作蓋縣故城三國志

國淵樂安蓋人似漢季當有蓋縣考附人物志國淵傳後

劇縣地 光武建武十三年併菑川國入北海

建武二年封劉終爲菑川王十

年卒光武紀章懷太子注菑川國今淄川縣誤

省所治劇縣入北海劇縣名紀亭

平壽縣地 平望入之時平望樂望郡國志無想均省入他縣

矣

魏樂安郡壽光縣齊郡益都縣南豐縣東莞郡劇縣又北海國平

壽縣地

益都縣

考舊唐志元和志括地志並稱曹魏

惟寔字記誤作元魏

於今

壽光南十里漢益縣故城置益都縣水經注於巨洋枝津所逕

益都侯城

即王胡城

稱爲北益都城其城在益城北如非益改益都

何以稱爲北益都耶

南豐縣

魏正始元年置故城在今治西二十五里今豐城

輿地

記豐城本漢舊川國城

晏謨謂司馬宣王伐公孫淵

淵據遼東

北徙豐人

宋書蠻

傳燕王馮宏奔高驪北豐城按城當在遼東境水經注北徙豐人當作徙北豐人

作於此遂改名爲南

豐城也劉志意水經注北徙豐人或卽此城之人徙之於益城

故改曰南豐續山東考古錄以爲謬按三國志魏紀正始元年

以遼東汝北豐縣民流徙渡海規齊郡之西安臨淄昌國縣界

西安今臨淄境
昌國今淄川境

立新改南豐縣以居之所謂界者乃以西安臨

淄縣界地規劃入南豐爲縣境耳非謂南豐縣治在西安臨淄

界內也若謂南豐縣係就益城故址設立則去西安臨淄界較

豐城不更遠乎

豐城距臨淄界甚近

且益城已改爲益都縣豈能再於其

城置南豐縣則亦不待辨而明矣

晉青州樂安國壽光縣益縣又齊郡平壽縣地徐州東莞郡劇縣地

益縣 晉志誤與利縣連書後遂訛爲利益縣或曰仍魏舊名益都備考

劇縣地 晉武帝太康中於徐州置東莞郡劇縣屬焉而晉太康地理志則劇屬琅邪續山東考古錄云先割屬琅邪又屬東莞也又惠帝元康中劇屬高密國

劉宋青州北海郡劇縣齊郡益都縣樂安郡博昌縣又僑冀州河間郡樂城縣南皮縣後魏因之

後魏河間郡屬青州僑

齊移益都於州城

餘俱省北周因之

博昌縣 據齊乘考證云宋於博昌故城僑立樂陵郡遂移博昌於壽光時州郡志無壽光名

僑樂城縣 故縣城在今治東南二十里今樂城村一作洛城
僑南皮縣 故縣城在今治東北四十里今南皮臺元魏地形志青州南皮下有望海臺按卽漢平望縣城今南皮與相近卽南皮僑縣矣齊乘疑南皮專爲平望亭非是

益都縣 高齊天保七年移益都治東陽城卽今益都治地以後遂與壽光劃分續山東考古錄云高齊時博昌廢益都移壽

光未復諸僑縣約皆併省今縣境齊周時未詳爲何縣地但元和志所謂齊廢博昌者實誤指漢博昌城此博昌未必齊廢也隋改博昌爲壽光唐人以爲於博昌故城置壽光耳備考益都雖徒疑故城仍屬之

隋青州北海郡壽光縣閭邱縣

壽光縣 隋文帝開皇六年於劉宋博昌城置

閭邱縣 開皇六年置大業初省入壽光方輿紀要閭邱縣故城在縣南未詳所據

唐河南道青州北海郡壽光縣武德二年復屬乘州八年州廢仍

改屬青五代因之

唐壽光縣卽今治元和志稱隋縣在今縣北未載何時徙治蓋唐復置時卽今治矣舊志唐武德二年壽光列爲緊縣蓋其時別縣爲赤望緊三等也

宋京東路青州北海郡壽光縣

列爲望縣

金山東東路益都府壽光縣

元都省山東益都路壽光縣

分上中下三等列

明山東布政司青州府壽光縣

清山東省登萊青道青州府壽光縣

列等爲繁疲難

民國初山東省膠東道壽光縣十四年增淄青道壽光屬焉十七

年廢道直屬於山東省政府

縣分一二三等
壽光屬二等

安志歷代地理沿革考

壽光古斟尋地非也按竹書紀年帝太康仲康居斟尋帝相居

斟灌二斟皆夏同姓諸侯國而斟尋之國則今安邱縣城東北

三十里之廢杞城是也杜預曰斟尋在平壽縣東南而平壽在

今濰縣界中以道里揆之其爲安邱之杞城無疑桑飲謂之淳

于縣而酈道元謂淳于爲夏后之斟灌國者其亦字畫之訛昔

賢辨之已明矣故謂壽光爲斟灌則可爲斟尋則不可也其在

春秋時地屬紀國蓋紀國實包有今壽光之地而過之左氏所載若郛若郛若鄆若浮來若鄆皆紀屬邑以今輿圖考之方廣延袤蓋可數百里矣七國時地隸田齊秦始皇二十六年分天下爲三十六郡以青州爲齊郡琅邪郡則壽光得名或在此歟然壽光之名始著於西漢屬北海郡東漢則屬樂安國兩晉皆仍之隋開皇十六年於其地置濰邱縣大業初又改入壽光唐分青州屬河南道壽光爲北海郡七縣之一宋仍其名屬青州鎮海軍元隸益都路明洪武中分天下爲十三布政使司置青州府壽光屬焉總隸山東我朝因之此歷代沿革之大概也大

約壽光之爲邑也自兩漢以迄於今雖其所隸之郡國互有更易而壽光之名千餘年中迄未之有改但不知古之壽光邑城其遺址當在何地耳古有東西二壽光又言斟灌故城爲東壽光每詳酈道元注堯水所逕則古之二壽光當俱在今壽光縣城之東北方而其興廢遷徙之年代則皆不可考然合今壽光之四境計之其始實括有北海齊郡六縣之地嗣後以漸而省迨隋唐之際遂名以壽光專矣乃古之劇城實在今壽光境內而壽光之名自兩漢以來除郡國紀志之外概未之或見其最著者惟劇耳意者若叔輔偉長承嗣景略輩皆劇人地以人重